

INUIT ATAQATIGIIT INATSISARTUNI



UPA 2024/19

10.04.24.

Peter Olsen

Uunga siunnersuut: Ajoqusernermi sillimmasiisarfinnut qularnaveeqqusiisarnermut aningaasaateqarfik pillugu inatsimmi aalajangersakkani assigiinngitsuni allannguinerup Kalaallit Nunaanni atuuttussanngortinneqarneranik Kalaallit Nunaanni Namminersorlutik Oqartussat akuersissuteqarnerat

(Digitalikkut attaveqatigiinneq, matussusiiffiit allanngortinnerat, matussusiisarfirmik allannguneq, tapiinermut toqqammavik, ilaasortaanissamut piunasaqaat, piffissap matussusiiffiup annertusinera, aningaasaateqarfiup aningaasaatai, arbejdsmarkedets erhvervssikringip qamutinullu motoorilinnut akisussaanermik sillimmasiinerit ilanngunneqarneri)

(Aningaasaqarnermut Akileraartarnermullu Naalakkersuisoq)

Oqaaseqaat:

Ajoqusernermi sillimmasiisarfinnut qularnaveeqqusiinermut aningaasaateqarfiup aaliangersagaani assigiinngitsuni nutarterisoqarnissaanik siunertaqartumik Naalakkersuisut saqqummiussaqaarnerat Inuit Ataqatigiit naatsumik imatut oqaaseqarfigissavarput:

Naatsumik oqaatigalugu, aaliangersakkat assigiinngitsut nutarterneqarneratigut, ajoqusernermi sillimmasiisarfiit qularnaveeqqusiinermut aningaasaateqarfimmut aningaasanik amerlanernik akiliuteqartalernissaannik pisussaaffilerneqassapput.

Ajoqusernermi sillimmasiisarfiit EU-mi nunanilu allani angerlarsimaffeqartut qularnaveeqqusiinermut aningaasaateqarfiup matussusiiffigisaani ilaatinneqarsinnaangussapput.

Allannguutip malitsigissavaa sillimateqartup nuna najugaa qitiutinneqalissammat.

Sillimateqartup sillimmasiisarfiullu akornanni attaveqatigiittarnerup saaffiginnittarnerullu tungaatigut qarasaasiatigut ingerlatsisoqarsinnaalertoqarneratigut nunatsinni atuisut pitsaanerumik atugassaqalersinneqassapput, nunatsinnii innutaasut periarfissanik amerlanerumik toqqagassalissapput, amerlanernillu toqqagassalernerup kingunerisinnaassavaa, nunatsinni innuttaasut akikinnerumik sillimmasersinnaalernissaat.

Qularnaveeqqusiinermut aningaasaateqarfiup aaliangersagaanik nutarterinerup nunatsinni innuttaasut atuisullu pitsaanerumik atugsassaqalissapput. Taamaammatt annerumik oqaaseqarfigeqqinnagu, aappassaaneerneqannginnerani aningaasaqarnermut ataatsimiitalimut innersuupparput.